

AC. 2709.

I. N. J.

Dissertatio Philosophica

De

# Animæ Immortali-

tate ex Lumine Naturæ de-  
monstrabili,

Quam

## Adspirante divina gratia

Consentiente Amplissimo Philosophorum  
Ordine in Regia ad Emmam Academia

PRÆSIDE

VIRO CELEBERRIMO

## MICHAELE DAU,

et Professore Ordinario Facul-  
tatis Philosophicæ h. t. Decano

publicæ ventilationi  
submittit

PETRUS KNOLL, Kil. Holsatus

& Respondens.

In Auditorio Majori MDCCXVI.

a. 22. Februario.

---

DORPATI, excudit JOHANNES PRENDEKEN,  
Acad. Typograph.

VIRO  
Summe Reverendo, Amplissimo  
& Excellentissimo  
DOMINO  
**Johanni Fischero,**  
S: S: Theologiæ Doctori Celeberrimo  
Pro-Cancellario Academiæ Dorpatensis  
MAGNIFICO,  
Superintendenti per Livoniam Generali  
& Consistorii Ecclesiastici in Livonia  
Præfidi Gravissimo.  
Plurimum Reverendo & Amplissimo  
DOMI.

## Laurentio

S: S: Theologiæ Licentia  
Celeberrimo, Consistorii Ec-  
& Pastori Nyggensi 1



Maxime Reverendo, Amplissimo  
& Celeberrimo  
DOMINO

**M. Olao Moberg,**  
S: S: Theologiæ Professori & hoc tem-  
pore in Academia Dorpatensi  
RECTORI MAGNIFICO  
Dignissimo.

Nec non Consistorii Ecclesiastici Decano  
& Templi Cathedralis Pastori Meritissimo

66

Plurimum Reverendo & Amplissimo  
DOMINO  
**Gabrieli Sfragge/**  
Orient: & Græcæ Linguæ Professori Dex-  
terrimo, Consistorii Ecclesiastici & Pastori  
Cawelectensi Meritissimo.

Academicam graue  
mente offert.  
num Admirator  
vancillimus  
Respondens.

**N**on evehendum mentis est lumen nimis  
Nostræ, quod arduis parum nos adjurat  
In cogitationibus, caliginem  
Minusq; dissipat, velit quam strenuus  
Sapiens cultor reconditæ; leves  
Ratiuncula quem non movent & futilis.  
Nec elevandum, sed nimis præstantius  
Quo non Adæ propagini donum datum.  
Hoc est, quod abditæ opes mirabilis  
Mundi recludit & Creatorem velut  
Monstrat manu, quod propriam nos edocet  
Beatitudinem, logos quod & strophas  
Evertit omnium, quibus Spinoza vel  
Epicurus aut Hobbes placet; sacerrimos  
Quos jure dicimus sophos. Tuos proin  
Knolli labores excipit plausu, pius  
Et sobrius quemcunq; delectat modus  
Ratiocinandi. Pergito decurrere  
Hunc tramitem. Pulcherrimum Te præmium  
Manet, Ter optimus DEus quod conferet  
Non terminandum seculorum cursibus.

Id quod Politissimo Dno. Auctori  
Respondenti ob pietatem indu-  
striam & modestiam sibi com-  
mendatissimo ex animo pre-  
catur

PRÆSES.


## Præloquium.

**A**nimas hominum præstantiores esse anima-  
bus brutorum, adeoq; non aequo ac bruto-  
rum post mortem interire illis, qui scripturam Sa-  
cram pro verbo DEi habent, veritas est extra o-  
mnem dubitationis aleam posita. Tot enim sunt  
dicta, tot loca in sacris literis continentur, que  
immortalitatem animæ tam evidenter probant,  
ut omne contradicendi studium procule esse jubeant.  
Unicum illud classicum Matth. IO. v. 28. Ne me-  
tuatis vobis ab his, qui occidunt corpus, animam  
autem non possunt occidere, sufficeret, etiam si alia  
testimonia deessent. Ut ut autem certo nobis con-  
stare possit, animam corpori esse superstitem, si scrip-  
turam Sacram consulimus, tamen majori diffi-  
cultyte premi videntur, qui idem beneficio luminis  
naturalis, sepositis argumentis ex Sacro codice de-  
sumvis non solum probabiliter concludere volūt, sed  
insuper demonstrare conantur. Hinc utrum ani-  
ma hominis sit immortalis, an una cum corpore  
intereat, magno apud Veteres studio & contentio-  
ne quaestum fuit; Dignam videlicet rati sunt con-  
troversiam, in qua hominum ingenia desudarent,  
cum omnium causa ageretur. Hinc etiamnum  
hodie Clarorum Virorum certamina in diversas  
abey-

A

abeuntium partes. Quamvis vero nonnulli id  
potius articulum fidei sua facere velint, quam ra-  
tiocinationis effectum: Attamen si qua in utram-  
que partem de re tantopere controversa disputata  
sunt hactenus inter eruditos, perpendamus omnia,  
non diffitendum est, argumenta talia adduci pro  
immortalitate animae, quæ s̄ sufficiunt ad eam  
demonstrandam, & reclamantium sententiam re-  
fellere valent. Hec sunt, quæ me etiam moverunt,  
ut rem eandem in præsenti disquisitione ventilan-  
dam suscepimus, ausimq; contendere, immortalem  
esse animam, posse argumentis idoneis ex ratione  
desumis, demonstrari. Quod ut evincam, se-  
quenti progrediār ordine. Primum explicabo,  
quid sit demonstrare. Quod ubi factum fuerit,  
præmissa varia acceptione vocabuli Immortalis,  
adducentur argumenta, quibus animæ immorta-  
litas probatur. Post argumenta proposita tran-  
futus fiet ad antithesen, eaq; refellentur, quæ ad con-  
trariam sententiam stabilendam afferri queunt.  
His deniq; subjungendus erit usus eximius ex hac  
fluens assertione contra Atheos, & brevis ad-  
abortio, ne facultatibus animi abutamur.

§. I. De-



§. I.

**D**emonstratio est duplex:  
alia, quæ ex effectu causam, vel ex cau-  
sa remota effectum demonstrat: alia,  
quæ effectum per causam proximam & imme-  
diatam demonstrat. Illa vocatur aliás Demon-  
stratio *τεχνή*, hæc autem *τέλος*, & est hujus lo-  
ci. Dicitur hæc Demonstratio græcè *απίδεξις*,  
quæ vox varias habet significaciones, quas ta-  
men, quia parum ad rem faciunt, sicco pede trans-  
simus. Aristoteles illam modo in sensu latiori,  
modo angustiori usurpat. Late quando ipsi  
sumitur, complectitur omnem syllogismum, qui  
aliquid infert etiam ex propositionibus verisi-  
milibus & probabilibus, neq; ipsum Enthyme-  
ma tanquam Syllogismum imperfectum exclu-  
dit: Strictè vero quando ipsi sumitur, denotat  
non quemcunq; Syllogismum, sed talem, qui  
constat ex propositionibus simpliciter veris, in-  
deq; gignit conclusionem, quæ parit scientiam.

A2

Ita

**I**ta namq; describit illam Demonstrationem Aristoteles ipse, quando Posteriorum Analyt. cap. 2. dicit, quod Demonstratio (scilicet stricte sic dicta) sit συλλογισμὸς ἐπισημωνός sive, qui parit Scientiam. Non igitur de Demonstratione in lata sua significatione, sed ut strictè sumitur nobis sermo est, quæ quoniam describitur, quod Scientiam pariat, quid per illam Aristoteles intelligat, cognoscere juvabit ex loco citato ubi ait: *Sicre nos putamus unam quamq; rem simpliciter, cum putamus causam cognoscere propter quam res est, ejus rei causam esse, nec posse eam rem se aliter habere.* Hic tria requirit ab illo, qui rei alicujus Scientiam habere dicitur. Primum, ut cognoscat causam propter quam res est, causam simpliciter proximam ad cujus affirmationem sequitur etiam rei affirmatio & ad cujus negationem sequitur rei negatio. Deinde requirit, ut cognoscat, quod causa sit illius rei, cuius Scientiam quis acquirere vult. Sic ex gr. non sufficit scire quotannis esse Diametralem interpositionem terræ inter solem & lunam, sed novisse etiam debet, illam interpositionem terræ inter solem & lunam esse causam Eclipseos lunæ. Tertio ut certus sit, rem aliter se habere non posse i. e. prædicatur necessario suo subiecto inesse, idq; ei debet esse adeo persuasum, ut nunquam

quam credat contrarium. Si quis ejusmodi Scientiam ope demonstrationis sibi acquisiverit, ille veram Demonstrationem proprięt̄ dictam usurpare censendus est. Sin vero scrupulus & dubium remanet, non Scientia, sed opinio potius est appellanda. In eo namq; differunt opinio & Scientia, quod Scientia sit firma & cum constantia animi conjuncta notitia, faciatq; cognoscentem omnino certum, opinio vero sit cognitio infirma, tenuis & inconstans, quæ hominem nutantem & fluctuantem reddit.

### §. II.

Ex his, quæ de Demonstratione diximus, jam quivis facile intelligere potest, quid velimus, quando immortalitatem animæ ex lumine naturæ demonstrabilem esse, affirmamus. Nimirum hominem eo posse pervenire, ut non tantum cognoscat probabiliter, animam esse immortalē, verum & argumentis talibus immortalitatem evincat, quæ Scientiam in intellectu humano gignant tam certam, ut immortalitatem animæ in dubium nemo amplius vocare queat, qui semel eam, uti par est, perpendit, & argumenta, quæ id persuadent, non obiter consideravit: Additur autem ex lumine naturæ, ut indicetur, argumenta immortalitatem animæ probantia, non esse ex sacrâ scripturâ de-promenda.

### §. III.

Veniendum nunc ad ipsa argumenta, quæ luculenter animæ immortalitatem demonstrant. Sed prius de ipsa vocel immortalis constare debet, & quid illa significet, Immortalitas quatuor modis accipitur, 1. Pro impotentia moriendi absoluta & omnimodâ, ita ut aliquis simpliciter ac per naturam ab omni interitu immunis sit, nec ullo modo definere possit. Quo sensu solus DEus ~~genitivus~~ immortalis ac in corruptibilis est. 2. Pro impotentia moriendi ex dono & singulari ordinatione DEi. Sic corpora beatorum & damnatorum erunt incorruptibilia, non ex proprietate naturæ, sed DEi tum gratia, tum dispositione peculiari 3. Pro potentia non moriendi, quo sensu illud immortale, quod actu non moritur, mori tamen potest, certa conditione posita, qua non posita in moriendi actum nunquam deducitur possibilitas moriendi, quæ cum non moriendi possibilitate conjuncta est. Atq; hoc modo corpus primi hominis immortale fuit. Non enim aderat impotentia moriendi, sed tamen potentia non moriendi. 4. Pro impotentia moriendi ex Gratia Creationis, quo pacto omnis spiritus est immortalis. Ita enim productus est, ut vi concreta sibi naturæ mori proorsus nequeat, sive interire,

ctiam-

etiamsi per omnipotentiam DEi possit destrui ac in nihilum redigi, & quia omnis compositionis ex materia & forma substantiali expers est ratione intrinsicæ suæ naturæ ab omni corruptione libera existit. Vid. Lassenii. besiegle Theistern §.2. Annot. ad Dissert. II. Theandri. Solent Philosophi id ita exprimere, ut dicant, spiritum ejusmodi dependentem esse incorruptibilem ab Intra, licet non sit corruptibilis ab Extra. Anima igitur humana in se considerata cum nihil aliud sit quam spiritus, simul patet, eam quoq; modo spirituali esse immortalem, non quidem à parte ante, sed à parte post; Patet eam ratione intrinsicæ suæ naturæ ab omni corruptione esse liberam, nullaq; habere in se principia corruptiva. Alias res in dupli sunt differentia, quæ existentiam suam amitterei. e. definere possunt. Quædam sunt compositæ, quædam simplices. Piores suam existentiam perdunt, quando partes, ex quibus componuntur, separantur: posteriores autem ut Angeli & Anima hominis periire nequeunt nisi per annihilationem, quæ cum æq; ac Creatio vires Creaturarum superet, omnes mutationes, quæ in rerum natura continentur, facere non possunt, ut Angelus & Anima humana pereant, s. esse definit. Pro hac itaque animæ (nam de Angelis nobis nunc non est sermo)

sermo) immortalitate, quam multi frustra in du-  
bium vocant, quandoquidem non pauca Docto-  
rum Virorum argumenta satis valida militant,  
principia quae videntur, hic enarrabimus.

§. IV.

Primum desumitur à Providentia DEi. Pu-  
gnat enim contra DEi sapientissimi provisionis  
dispositionem non reddere bene merentibus  
præmia, sceleratis autem & facinorosis poenæ.  
At experimur Viris facinorosis sæpius in hac vi-  
ta omnia feliciter evenire, fideles autem perpe-  
ti varias calamitates & persecutions. Relin-  
quitur igitur, quod anima post mortem super-  
stes maneat, ubi tum fiat compensatio Virtutum  
& Vitiorum. Huc respexit Clemens l. 3. recog-  
nit: quando ita conclusit: Si DEus justus est,  
anima immortalis est. Repte etiam Socrates a-  
pud Platonem in Phædone: Grave periculum fo-  
re putandum est, si quis neglexerit animam, si e-  
nī mors totius dissolutio esset, nimium improbi  
lucrarentur, cum ē à corpore ē à sua pravita-  
te liberarentur. Nunc autem cum anima immor-  
talis appareat, nulla superest malorum declinatio,  
nulla salus, nisi ut optima ē prudentissima fiat.  
Profecto male consultum est hominibus, si impro-  
bos supplicia, bonos æterna præmia non maneant,  
nec DEus nisi justus esse potest, neq; patitur justi-  
tia ordo,

tie ordo, ut vir bonus iis sit infelicior, qui se vitiis ac  
sceleribus contaminaverint ē voluptatibus ser-  
vierint, virtus vero sua mercede frandetur. Idem  
indigitare voluit Orator ille sacer Chrysostomus,  
quando serm. 4. de Providentia inquit: Si nihil  
est post hanc vitam, igitur neq; DEus est. Nam se  
est DEus, justus est, si justus est, juxta meritum unicui-  
que distribuit. At si nihil est post hanc vitam, ubi  
nam accipiant singuli pro meritis? Etenim multi  
hic bene habent honorantur, prævicuntur, alii  
afflictantur, cum justitiam colant. Quare si post  
hac nihil est, emigrabunt justi affecti injuria, ē  
injusti immerita felicitate patientur. Ubi igitur ob-  
tinebit justitia? Quod si nemo accipiet, quæ meritus  
est, nec secundum se DEus justus est, ē si non est ju-  
stus, neq; DEus est. Imo tantum abest, ut anima  
cum corpore intereat, ut potius sceleratissimi ho-  
mines, qui cum bestiis & vivere & mori cupiunt  
contrarium testentur eo ipso momento, quo na-  
turæ debitum reddere coguntur, dum quicquid  
etiam sibi de mortalitate animæ fingant, nihil  
ominus horrore contremiscunt & poenæ sceleri-  
bus suis dignas præstolantur.

§. V.

Secundum argumentum desumitur à com-  
muni & publicè recepta hominum persuatione.  
Quod argumentum, quia Cicero præcipue tra-  
stat,

B

Etat, illius verba nostra hic facimus. Ita vero ille  
inquit. Neq; enim priisci illi sepulchrorum religio-  
nes & ceremonias tanta cura colebissent, nisi hæfisset  
in eorum mentibus, mortem non esse interitum o-  
mnia tollentem atq; delentem, sed quandam quasi  
migrationem commutationemq; vite. Atq; hac ita  
sentimus Natura luce, nulla ratione nullaq; doctrina.  
Hinc omnibus curæ sunt ea & maximè qui-  
dem, que post mortem factura sunt, & nisi inhære-  
ret in mentibus quasi augurium futurorum seculo-  
rum, quistam amens esset, ut semper in laboribus &  
periculis viveret? Quid si ergo, inqui porro Tullius,  
omnes, qui ubiq; sunt, consentiunt, esse aliquid,  
quod ad eos pertineat, qui vita exceserunt, veri si-  
mile est, post mortem animas permanere; Nam  
specimen Naturæ capi decet ex optima quaq; natu-  
ra, sed optimus quisq; maximè posteritati servit.  
Nemo unquam sine magna spe immortalitatis se  
pro patria offerret ad mortem. Nec melior est in  
hominum genere Natura, quam eorum, qui se natos  
ad homines juvandos & conservandos arbitran-  
tur. Est igitur animarum humanarum immor-  
talis omnium pene Gentium consensione firma-  
ta. Si quidem non Philosophi solum, qui cæteros  
mortales ingenii acumine antecelluerunt hoc in  
scriptis suis testantur, sed Barbaros etiam popu-  
los & in illis istos, quos è numero hominum in

bellua-

belluarum propemodum censum hebetudo na-  
turæ & recordia redegerat, de animæ immorta-  
litate non dubitasse, atq; adeo de ejus post hanc  
vitam statu ac conditione fuisse sollicitos, optimi  
fideq; digni Autores literis prodidere. Illud te-  
statutur Morneus, quando cap. 15. de veritate reli-  
gionis Chr. ita inquit: Percurre ab ortu ad occa-  
sum, à septentrionibus ad Austrum, non Turcas, Ar-  
rabes, Persas, sed qui in primis barbari, rudes, feri  
habentur, Anthropophagos, Canibalos, Caribas,  
hanc toto orbe fidem unanimi Gentium omnium  
consensu receptam & approbatam invenies. Non  
vero hic defatigari posse lectorem existimamus  
si ad specialiora etiam descendamus, & quos con-  
stat asservisse immortalitatem animæ populos  
barbaros, hic nominemus. Geta Thracum justissimi  
& fortissimi non putant apud Herodotum se  
mori, sed eum, qui defunctus fuerit meare ad Zamolxim.  
Ægyptii apud Diodorum siculum Pa-  
rentes & Majores suas ad æternam habitationem  
translatos autemant. De Chinensibus, quorum  
religio est pure pagana Hugo Linschotanus afir-  
mat, credere omnes immortalitatem animæ, atq;  
post hanc vitam retributionem bonorum malorum-  
ve, prout quisq; bona malave gesserit. Descriptio  
regni Africanae Grineæ, quæ primum à Batavis e-  
dita & post latinæ facta est, narrat, regni ejus inco-  
las

B2

tas de altera vita & extremo iudicio interrogatos  
respondisse; se quidem extremum iudicii diem prorsus ignorare, adfirmasse tamen, aliam efferationem  
hominum & aliam pecorum licet, que hominum  
conditio post mortem foret, prorsus ignorarent, neque scirent, an locus ille, quo transferrentur, supra  
vel infraterram esset, se nihilominus de supellecibile  
solere partem aliquam defunctis adsignare, ut quo-  
cunque tandem venirent, haberent, quod ad usus  
quotidianos necessarium esset. De Peruanis Gente  
barbara Josephus Acosta hæc scribit: Indi qui in  
Peru habitant, animas hominum immortales esse,  
ac pios vitam eternam, impios autem eternam  
damnationem manere credunt, corpora vero una  
cum ipsis animabus aliquando resurrectura esse,  
omnino ignorabant. De Brasiliæ incolis feris &  
avispas & paryas scribit Johannes Lerius, qui annum  
inter eos versatus est, se non credere, gentem ullam  
in toto terrarum orbe esse, quæ ab omni religione  
sit magis aliena: iidem tamen ipso teste, non modo  
immortalitatem animarum credebant, sed pro  
certo quoque habebant, post mortem eorum animas,  
qui virtutem coluerint (virtutem autem definitum  
suo more, nempe ultionem sumere de hostibus &  
quam plurimos mandere) post altissimos montes  
evolantes patrum & avorum suorum animis ag-  
gregari, ibique in amanissimis hortis, perpetuis de-

liciis

liciis ac tripudiis latum evum agere: ignororum  
contra manes abripi ab Aygnan (sic illi vocant  
Cacodemонem) & cum eo sempiternos inter cru-  
ciatus vivere. De incolis Virginiae Thomas Ha-  
riot Anglus sequentia reliquit: Animæ immorta-  
litatem etiam credunt, eam statim atque à corpore  
soluta est, transferri secundum opera, quæ fecit, vel  
ad Deorum sedes ad perpetuam felicitatem perci-  
piendam vel ad ingentem fossam s. Scroberem (quam  
in extremis mundi finibus procul ab ipsis versus Oc-  
cidentem sitis, esse censem) ad perpetuum ignem.  
Vide Georg. Calixtum de immortalitate Animæ  
cap. I. Plura iam exempla cumulare non attinet,  
cum adducta plus satis probent, barbaros popu-  
los per totum terrarum orbem dispersos immor-  
talitatem animæ unanihi consensu approbasse  
atque credidisse.

### §. VI.

Tertium argumentum suppeditat Plato, quan-  
do luce divina animos nostros aspergi osten-  
dit, ex qua coelestem & incorruptam illorum pa-  
riter & Angelorum naturam esse, recte colligi  
potest. Intuenti enim animam humanam statim  
consideranda occurruunt variâ ejus officiorum  
genera, ingens vis & perspicacitas in rebus co-  
gnoscendis. Nam composita dividit, & quæ sunt  
divisa componit, præterita in memoriam revo-  
cat,

B3

car , futura callide præsagit & plura alia agit,  
quæ aliquid divini nobis inesse probant.

VII.

Quartum argumentum præbent objecta animæ quæ non solum sunt res caducæ & temporales, verum res simplicissimæ, spirituales & æternæ. Si igitur inter facultatem cognoscentem & Objectum semper magna intercedit convenientia, simillimam quoq; animam esse suo Objecto, ejusdem indolis ac naturæ omnino statendum erit. Quod si vero anima ejusdem indolis & naturæ est cum suo Objecto, non poterit amplius negari, esse immortalem & naturæ incorruptibilis. Longe si quidem præstantiorem esse animam corpore vel inde appareat, quod corpus quasi serviat animæ, contra anima ejus Domina à natura in hac vita constituta. Corpus enim subiectum est animæ imperio, & anima dominium gerit in corpore, quod indicat corpus esse mortale, animam autem divinæ naturæ atq; immortalem.

§. VIII.

Quintum argumentum est, quod anima se ipsam agiter, & in se ipsa sui motus principia habeat, adeoq; à nullo dependeat corpore, sed naturam longe divinorem sortita sit, neq; adeo perire aut dissolvi in se posse, cum in se sui mo-

tus

ras fontem, in qua vita ipsa consistit, possideat, nec deseriri à se ipsa possit. Vita enim nihil est aliud, quam quædam continuata & perennis motione. Hinc ea de re sequenti modo disputant Platonici: *Qui fieri potest, ut pereat anima vel dissolvatur, si vita illi per se ut proprio & adiquato subiecto competit?* Nam quod alicui per se convenit, ab illo abesse non potest, ut rotunditas à circulo nequit separari. Illud enim propriè vivit, quod visua non aliena movetur, & cum in se habeat motus perennem fontem, nunquam cessat, nec à se deseritur. Hoc igitur est spiritualis formæ proprium, ut subsistat per se, neq; à corpore, cuius hospitio tantum utitur, omnino dependeat. *Quod si etiam nulla res se deserit, & id moritur, quod vita deserit, utiq; animus mori non potest.* Est quippe aut vita ipsa, ut S. Bernhardus ait, aut per se & se ipso vivens. Vid. Joh. Baptista Du Hamell. 4. §. 3. de Mente humana.

§. IX.

Sextum argumentum est, quod ex summi boni appetitione & rerum mundarum fastidio oritur. Nullum enim est in hac vita tantum bonum, quod adepti tandem aliquando non fastidiamus, quamvis illud avidè appetiverimus. Unde ad alia semper mens anhelat, si quod forte invenire possit Objectum, in quo quiescat. Signum igitur

igitur est animæ natura ac facultates cognoscendi & desiderandi eidem proprias caduca omnia transcendere, naturæq; dignitatem superare, quandoquidem eorum nullum invenitur, quod ipsis non tandem frigeat ac vilescat. Verum itaq; est, quod Gregorius Nazian: Doctor celebrissimus dixit: *Corporales deliciae cum non habentur, desiderium accendunt, habitæ vero in fastidium retruntur, in iis appetitus placet, experientia displaceat.* Contra solum summum bonum est, cuius diuturnior contemplatio non rædium, & cuius fruitio nullam nauseam animæ creare potest. Verum quam avide etiam hoc bonum concupiscimus, parum tamen est, quod etiam maxima adhibita diligentia cognoscere licet. Quia igitur non frustra tantum rerum terrenarum fastidium & tantam contra sciendi videndiq; cupiditatem in nobis accedit DEus benevolos, quam explore non possumus, priusquam vitam cum morte mutaverimus, necesse est, animam non mori una cum corpore sed post ejus interitum superessa. Quam in spem nisi venire possemus, quibus vis animalibus essemus infeliores, quæ dum ratione carent, nullas molestias, pericula, curas, anxietatem sentiunt, quæ misere homines excruciare solent. Sua sponte igitur sequitur, aliam dari vitam, in qua molestias hic devoratas expiciet

cipiet gaudium magnum & anima voti sui compos fiet.

### §. X.

Septimum argumentum fluit ex eo, quod naturale sit homini secundum virtutem vivere, illud autem dici non posset, si homo jumenti more interiret. Quare si secundum virtutem vivere à Numine divino nobis est implantatum, thesin quoq; nostram veram esse oportet, quod anima sit sua natura immortalis, quia sine spe præmii nemo virtutibus incumbit. In quo nobis assentitur magni nominis Theologus Fridericus Ulricus Calixtus, quando in Dissertatione de Immortalitate animæ ita scribit: *Sublata è mentibus humanis immortalitate animæ tollitur simul & evertitur omnis reverentia & cultus Numinis, omne studium probitatis, Virtutis, justitiae & honestatis. Neq; enim rectè consultus fuerit, qui virtutis causa corpori renuntiaret, si cum corpore ipsa amittenda sit anima.*

### §. XI.

Octavum argumentum colligitur ex spiritualitate animæ. Si enim anima esset corporea, eo melius se haberet, quo arctius unita esset corpori, verum contrarium testatur quotidiana experientia. Fœda enim committunt flagitia, magna sclera patrant cupiditatibus C corpo-

corporis incitati homines, nihil etiam magis sus-  
flaminat intellectum ineptumq; facit ad inda-  
gandas rerum causas & cælestia sectanda quam  
corporis ergastulum. Quo magis autem se se  
curis corporis eximere & à sensibus abducere  
potest anima, eo minora sentit impedimenta in  
suis speculationibus, quibus tum incumbere po-  
terit quam optimè sitota ex hoc suo carcere fue-  
rit liberata. Deinde quoq; sæpius comperimus  
animam resistere cupiditatibus corporis, nec per-  
mittere, ut agat, quæ carni grata sunt, quod te-  
statur spiritualem & non corpoream esse mentis  
naturam. Præterea quam maximam esse diver-  
situdinem sensuum & animæ facultatum, satis li-  
quet. Ut ut enim homolynceos habeat oculos,  
solem tamen introspicere nequit, ejusq; ferre lu-  
cem, reliqua membra corporis, si minimo admo-  
ventur igni, facile lœduntur; Contra intellectus  
nunquam rerum scientia impletur, nunquam sa-  
tiatur, nihil est tam sublime, quod ille non capiat,  
& quo plura capit, eo magis perficitur ac prom-  
ptior redditur ad alia percipienda. Memoriæ tan-  
ta est capacitas, ut innumeræ res, quas videmus  
& audimus, custodiatur, custodita suo iterum tem-  
pore depromat. Egregia quoq; animi vis est,  
quam vocamus inventionem & excogitatio-  
nem, cuius beneficio quotidie multa in commo-  
dum

dum & utilitatem generis humani proferuntur,  
quæ antea erant ignota. Deniq; si mens omnium  
corporum essentias complectitur, naturam quo-  
que omni corpore præstantiorem habere, dicen-  
dum est. Confirmat ea, quæ protulimus in me-  
dium Augustinus lib. de quantitate animæ: Si  
anima, inquit, est corporea, cum tam parvospatio  
sit, quam corpus est ejus, cur tam magna in ea ex-  
primuntur imagines, cum latitudinem terrarum  
Et alia quoq; ingentia apud se possit imaginari? I-  
dem animam spiritualem esse, non corpoream  
hinc colligit, quod veram lineam omni latitudi-  
ne substitutam, & verum punctum, quod secari  
non possit, mens perspiciat, & tandem optime  
concludit nobiscum: Sic corporea corporeis oculis  
mira quadam cognitione rerum cernuntur, ani-  
mus, quo videmus illa incorporalia, non est corpo-  
reus aut corpus.

### §. XII.

Nonum argumentum, idq; omnium fere  
validissimum, quo animæ immortalitas demon-  
stratur, tale est: Quicquid non dependet à Ma-  
teria neq; in esse, neq; in operari, id est immorta-  
le. Atqui anima est talis. E. Quod omne inde-  
pendens à materia in operari sit immortale, ita  
patet, quia operationes indicant essentiam, &  
modus operandi, sequitur modum essendi. Ul-

terius probatur, quia animam natura sua esse immortalem, nihil aliud est, quam eam habere naturam talem, quæ sit à materiâ independens, quæque non necessario desinat, materia facta indisposita, sicut sunt formæ accidentales, ut calor & frigus, vel formæ brutorum, quæ corrumpuntur, materia facta indisposita, quippe quæ educuntur è potentia materiæ. Jam vero animam non dependere à Materia in Esse, octavo argumento probatum est, ubi spiritualitatem ejus adstruximus. Operationes animæ itidem esse independentes à Materia, concluditur ex Intellectione & Volitione tanquam præcipuis actibus animæ, quos actus immortales esse appetet ex genere illorum, quo tales sunt, ut etiam DEo & Angelis convenient, quibus nihil materiæ inest. Nullum etiam illorum actuum datur organum, quemadmodum materialibus actibus visioni scilicet & auditioni de oculis & auribus prospexit, constat. Omnes cerebri sinus & partes scrutare, inquit Joh. Baptista du Hamell. 4. cap. 4. de mente humana nusquam intellectus organa ostendes, nec quicquam fere occurret, quod in aliis animantibus non inveniatur. Quod quidem magno est argu-  
mento, vim intelligendi nullo organo insidere, sed plane spiritualem existere. Jam licet intueri, quam dissimili & diverso à sensibus modo mens ipsa fun-  
ctiones

ctiones suas exerit: Ut in se ipsam reddit & reflecti-  
tur, ut je colligit & quasi intus revocat, cuncta per-  
meat, nec habet definitam aliquam regionem cuius  
terminis includatur: sensus vero per angusti hebe-  
tes infirmi, in exteriora dilabuntur, neq; in se, neq;  
in suos actus reflecti possunt, non enim in colorati  
aut sonori. Quod igitur sensum ipsum & illius a-  
ctus perspicit, id omni sensu superius est. Vis  
quog; illa, qua res etiam corporeas contemplamur,  
qua ipsa phantasmata aut componimus aut divi-  
dimus, aut exploramus, aut rejicimus, aut seligi-  
mus, aliud quiddam est à sensu, longe diversum.  
Nihilne amamus præter corpora? quid amatur in  
Amico, animus aut corpus? Fides, benevolentia,  
Virtus diligitur. Quid in sanctis, quid in Mar-  
tyribus laudamus membra laniata à feris? Quid  
tibi videtur, adolescens pulcherrimus si fur sit? quo-  
modo horrent oculi tui? nunc quid oculi carnis hor-  
rent? filios interroges, nil illo corpore compositius,  
nihil ornatus, & parilitas membrorum & colo-  
ris delectatio illicit oculos & tamen cum audis,  
quod fur sit, fugis hominem animo. Vides ex alia  
parte senem curvum, baculo innitentem, vix se mo-  
ventem, rugis undiq; exaratum. Quid vides,  
quod oculos delectat? sed quia audis, quod justus sit,  
amas illum & amplecteris. Ex quibus intelligi-  
tur, animam non cognoscere modo, sed etiam  
appetere

appeteret res spirituales, atq; adeo nec intellectum  
nec voluntatem corporeis organis alligari &  
consequenter esse immortalem.

### §. XIII.

His posterioribus argumentis animam esse  
immortalem ex ipsius natura & conditione pro-  
babimus: Quæ jam seqvuntur ulterius ostendunt,  
DEum nolle animam perdere aut annihilare. Et  
hoc deducitur ex communicatione summi boni.  
Quamvis enim DEus sit Ens pulcherrimum, ju-  
stissimum, sapientissimum, sanctissimum perfe-  
ctissimum & ut paucis verbis multa comprehen-  
dam, summum bonum, quod sibi ipse sufficien-  
tissimum est, & in se ipso acquiescit: Nihilomi-  
nis placuit illi bonitatem suam cum creatura  
scil. hominibus communicare. Indidit eum in fi-  
nem illis intellectum, ut si eo recte & decenter  
uterentur, beneficio illius adspirare possent ad  
cognitionem summi boni; indidit illis volunta-  
tem, ut summum bonum agnatum amore pro-  
sequerentur, laudarent, deprædicarentq;. Ea e-  
nim est conditio voluntatis, ut quod intellectus  
bonum judicavit, voluntas amore suo dignum  
existimat, & diu retinere cupiat. Quod si igitur  
omnes, qui Intellectu debito modo utuntur, ad  
cognitionem DEi, qui est summum bonum, per-  
veniant, illud impense ament, ejus amicitiam ap-  
petant

petant & consortio frui desiderent quam diutis-  
sime, non potest DEus clementissimus spem illo-  
rum fallere, quam ipse excitavit, non potest cum  
morte illis subducere summum bonum, existen-  
tiæ illorum perdere & annihilare, nisi infinitæ  
sux bonitati quicquam vellet derogare. Quis  
autem tantæ erit temeritatis, ut DEum ludifi-  
caturum esse miseros homines affirmare non  
erubescat? Absit igitur, ut DEo talia tribuamus,  
credamus potius, quod sana ratio dictat, ani-  
magam esse immortalem & nos sumsum Bonum,  
quod hic quasi per speculum & ænigma intue-  
mur, plenius in vita æterna esse cognituros, aspe-  
ctuq; ejus sine fine fruituros in secula. Deinde  
& repugnat immutabilitati divinæ, qua non po-  
test desinere aut ipsius voluntas esse bona, aut o-  
mnipotentia in impotentiā utari, quod fieret,  
si DEus animam à se creatam in nihilum redige-  
ret, existentiam ejus plane tolleret. Sive enim  
non potuisse, sive potuisse quidem & noluisse  
dicamus, DEum inconstantiae accusabimus.  
Quod cum blasphemum sit, animam esse im-  
mortalem, concedendum erit.

### §. XIV.

Hæc sunt argumenta præcipua sanæ ratio-  
ni consentanea, quæ si rite perpenduntur, non  
separatim sed conjunctim, non modo probant,  
sed

sed demonstrant etiam, & ob oculos quasi ponunt, animam non cum corpore interire, sed ad aliam vitam superstitem manere. Itaq; cum Conimbricensibus non dubitanus afferere, nostra atate ita celebre esse, animæ immortalitatem posse demonstrari, ut jure temerarius habeatur, qui huic assertioni refragaretur, minimeq; credendum esse, refragatuos Scotum & Cajitanum si nunc vivent, et si aliquando aliter censuerint.

§. XV.

Nihilominus, quia hodie inveniuntur magni Nominis Viri, qui in contrariam inclinant sententiam, eorum hic objectiones proponemus. In Genere primum objicitur contra Animæ immortalitatem: Quodcunq; captum humanæ rationis superat, in illud frustra inquiritur: Atqui Doctrina de immortalitate animæ captum humanæ rationis superat. E. Resp. Doctrinam de immortalitate animæ captum humanæ rationis non excedere, demonstrarunt illa argumenta, quæ modo à nobis adducta sunt, quæq; quamdiu non refutata fuerint, dilucide satis probant, instinetum & facultatem inquirendi à divino Numinne nostræ inditam esse rationi. Secundo objicunt: Quodcunq; dogma sola fide tenendum est, illud non potest demonstrari. Atqui dogma de immortalitate animæ sola fide tenendum est.

est. E. Resp. Non omnia, quæ fides docet, supernaturali cognitione teneri oportet, si alioquin satis nota sunt lumine naturali ex. gr. Omnia hominum futurum interitum, proximum esse diligendum, non lædendum & similia, quæ cum natura doceat, in divinis tamen etiam Oraculis habentur. Nihil enim vetat ea, quæ naturali demonstratione assequimur, supernaturali etiam, sed tamen evidenter longe judicio approbari. Tertiam Objectionem format Clarissimus Thomasius Jurisprud. Div. lib. 2. cap. 2. §. 22. quando philosophice demonstrari posse animæ immortalitatem ex eo vult negare, quod omnia, quæ de anima novimus, sint incerta planè & dubia, adeo ut accurata animæ definitio non detur. R. Datur omnino definitio animæ, quamvis sit illa imperfecta, & non omnibus numeris absolute, ut perfectam animæ notitiam nobis acquirat, in aliqualem tamen ejus cognitionem nos adducit, & habet hoc cum multis alias rerum definitionibus non contem nendis commune, quod totam rei essentiam non exhaustat. Sic de equo conceptum non sufficientem præbet ejus definitio, quando vocatur animal hinnibile, & tamen melior ignoratur, quia latet differentia ejus specifica, ut penè omnium specierum.

D

§. XVI.

## § XVI.

In specie, quod Providentiam divinam attinget, nonnulli vim argumenti ex illa desumti infringere conantur, quando dicitur: Virtutem sibi ipsi sufficere ad vitam feliciter instituendam, hominiq; virtutibus dedito nullum deesse bonum. Esse illum in periculis depellendis cautum, in obeundis intrepidum, adversa facile ferre, & semper sibi ipsi esse solatio: Impium vero & plane carentem virtute esse miserrimum, in omnibus timidum in actionibus dubium, sentire nunquam non stimulum conscientiae, quæ scelera ex aggerat, tristem facit & excruciat. Verum Respondemus, parum roboris huic objectioni inesse. Videmus enim nequissimos saepe homines ita esse sopitos in sua iniquitate et malitia, ut pulsum conscientiae vel omnino non sentiant, vel etiam sentientes contemnant. Et sane absq; periculo id facerent, si verum esset, animam cum corpore mori & nullus foret post hanc vitam scelerum vindex. Contra omnem virtutem eliminare videntur, qui virtutem sibi ipsi premio esse & nullam habere mercedem, statuunt. Nemo quippe in paupertate vivere, cupiditatibus frenum injicere, summaq; cum molestia vitare voleat, quæ carni grata sunt, nisi compensationem aliquam sperare posset,

sed

sed effundet se in omnia facinora, furtum, libidinem, homicidium inter laudabilia numerabit, nihilq; sanctum, nihil justum putabit, quam quod sibi gratum aut utile esse duxerit. Pergunt secundo excipere hunc in modum: Nullum virtuti theatrum conscientia majus est. R. Fatum id quidem, sed negamus cum Lactantio, virtuti ullum locum relinqu, si anima interit. Neq; enim, ut ait ille lib. 7. Just. div. cap. 9. Virtus erit secundum naturam, cum presenti vita noceat. Nam vita ista terrena, quam communem cum multis dicimus, & voluptatem expedit, cuius fructibus variis ac suavibus delectatur, & dolorem fugit, cuius asperitas Naturam viventium acerbis sensibus ludit. Si ergo & virtus prohibet iis bonis, quæ naturaliter appetuntur & ad sustinenda mala impellit, quæ naturaliter fugiuntur: Virtus malum quoddam est, & inimicum naturæ, stultumq; judicari necesse est eum, qui eam sequitur, quoniam se ipse ludit & fugiendo bona presentia & appetendo mala sine spe frustus amplioris. Si autem virtus malum non est, facitq; honeste, qui voluptates vitiosas, turpesq; contemnit, & fortiter qui nec dolorem nec mortem timet, ut officium servet, utiq; majus aliquid bonum assequatur, necesse est, quam sunt illa, quæ

D2

sper-

*Spernit. At vero morte suscepta, quod ulterius bonum sperari potest, nisi eternitas?*

§. XVII.

Contra argumentum nostrum secundum scilicet testimonium omnium Gentium & consensum etiam Ethnicorum objicit idem Clarissimus Thomasius, ideo rejiciendam esse, quia Ethnici præter multa absurdæ & sanæ rationi contraria docuerint, immortalitatem animæ hanc niti hypothesi, quod animæ humanæ quasi particulæ sint ex divinitate decerptæ. Resp. Concedimus libenter, falsam hanc fuisse Gentilium hypothesin de animarum humanarum origine, quam absurdissimam esse fatetur ipse Cicero lib. 1. de natura Deorum ita inquiens. *Pythagoras, qui censuit, animam esse per naturam rerum omnem intentum & commenantem, ex quo nostri animi carperentur, non vidit, distractione humanae animorum discerpi & dilacerari Deum, & cum miseri animi essent, quod plerisq; contingeret, tum Dei partem esse miseram, quod fieri non potest.* Interim tamen immortalitati animæ nihil derogat, quod Ethnici in veris causis allegandis erraverint, dummodo in re ipsa nobis cum consentiant. Tum etiam non omnis nostra probatio nititur hoc unico arguento, sed cum cæteris magis stringentibus debet conjungi, non vero ab iis separari.

§. XVIII.

Ad argumentum nostrum sextum, quo dicimus rerum mundanarum usum excitare tedium, regerunt: Fastidium illud, quod nos sentimus in rerum mundanarum & terrenarum usu quotidiano, oriri non tam ex ipsis rebus, quam naturæ nostræ inbecillitate, quæ nimia illarum fruitione facile debilitatur. DEum itaq; ajunt ingenerasse humano generi tale fastidium, ne damnum inde caperet. Resp. Veritati contrarium est, quod hic supponitur. Non enim cuiquam ignotum esse potest, provenire fastidium rerum caducarum ex usu perpetuo, qui nos docet, non id boni ejusmodi rebus inesse, quod animam reddat beatam.

§. XIX.

Contra appetitum innatum vitæ æternæ objicit Celeberrimus Scherzerus in Breviario Eu-stachiano quest: phys. 223. Etiam appetitus est impossibilium. Appetitus ille potest esse argumentum superbiæ in anima humana R. Distinguendum est inter appetitum inordinatum seu cum *αλεξια* conjunctum & ordinatum, qui nihil mali continet. Appetitus quidem im possibilium etiam datur, sed ille est inordinatus, malus atq; propterea coercendus. Appetitus vero animæ, quo illa æternitatem appetit, est ordinatus,

tus, neq; malus esse potest quia ideo vivere in æternum exoptat, ut summo bono fruatur, cuius desiderium DEum ipsum ingenerasse animæ supra, quando de communicatione summi boni agebamus, asseruimus. Objicitur secundo: Etiam bruta & res inanimes propensiones suas atq; desideria semper essendi manfeste satis ostendere: illas quidem victum querendo & fugiendo, quæ nocere possunt, has autem innato appetitu loci conservantis & conformatioне illius figuræ, quæ minus patet externis incursum. R. Ejusmodi res ratione destitutæ non eo modo exerunt propensiones, quo homo. Nobilior enim cognitio & appetitus requiritur ad illud desiderium, quam quale animantibus inesse, cognoscimus, quippe quæ sui conservationem quidem appetunt, sed appetitu semper essendi destituuntur.

### §. XX.

Contra Spiritualitatem animæ acutissimus Theologus & Philosophus Scherzerus objicit in Breviario Eustachiano physic: quæst: p. 253. Animæ status immaterialis nempe separatus est violentus, materialis vero sive conjunctus, est naturalis E. & ipsius essentia est materialis. Resp. Nulla est consequentia. Nam concessio, animam separatam esse in statu violento, non tamen erit materialis, si sit in statu unionis. Deinde si est im-

materialis in statu separato, hinc immaterialitas illi competet per naturam. Objicit 2. *Animæ se ipsam non aliter, quam materialiter potest cognoscere*, ergo illa ipsa dicit, se esse materialē, cui videtur esse credendum. Cur enim, inquit porro, illi non credam, quando de se ipsa loquitur, cum credam, quando de aliis extra se differit. Resp. Non protinus id materiale est, quod spiritus noster cum aliqua materialitate concipit. Deinde falsum quoq; est, in idea animæ haberi aliquam corporeitatem. Nam datur utiq; intellectus purus h. e. talis, qui nullis opus habet speciebus sensibilibus vel phantasmatibus, ut patet ex inductione earum rerum, quæ non cadunt sub sensus, quales sunt morales, & quæ circa abstracta versantur. Objicit 3. Non valet argumentum, quod est spirituale, illud est immortale, quamvis enim non habeat causas corruptentes in se spiritus, habet tamen in se defectibilitatem, quæ oritur ex dependentia à Creatore, nisi enim Creator conservaret, deficeret actus, conservat autem juxta beneplacitum suum sive ex gratia. E. quod non deficiat, id gratiæ Creatoris tribendum ē non Naturæ. Resp. Ad hanc objectiōnem jam responsum est superius, ubi probavimus, sanum dictitare nobis rationem, DEum non posse velle ut anima in nihilum redigatur,

aut

aut existentia ejus planè tollatur, quamdiu manet, summiè bonus, & in voluntate sua immutabilis. Possumus enim ita argumentari: Ex duabus contradictoriis sententiis de DEO, illa est præferenda, quæ magis cum perfectionibus divinis convenit, & divino illius honori illustrando magis inservit. Quis vero est tam imprudens, ut non facile videat, aptiorem esse illam sententiam ad sapientiam, bonitatem & immutabilitatem divini Numinis declarandam, quæ dicit DEum velle in perpetuum servare animā, quam oppositam, quæ DEum annihilaturum esse animam statuunt. Majorem ostendit sapientiam DEi, animas ita ab interitu vindicare, ut piæ quidem indesinenter bonitatem ipsius laudibus extollant, & honorem ei debitum exhibeant, impiæ etiam nolentes & sine proprio commodo ipsius gloriæ inserviant, quam existentiam illarum, quæ manet semper in se bona, perdere. Majorem præ se fert bonitatem Creatoris opus productum in sua essentia servare, quam destruere. Magis deniq; convenit Constantiæ & Immutabilitati divinæ animam sola sua voluntate creatam conservare in perpetuum ad suam gloriam honoremq; , quā mutata voluntate, licet possit ejus interitum impedire, concedere imo efficere, ut esse suum amittat & in nihilum recidat. Amplectenda igitur est

illa

illa sententia, quæ nos docet, DEum velle conserbare animam in suam gloriam & obsequium, indeq; fore immortalem. Facit etiam pro nobis, quod ipse Clarissimus Scherzerus habet in Breviario suo Eustachiano. Phys. quæst. 222. quando dicit ibidem, *si immaterialitas constaret ex natura, etiam ex natura constaret immortalitas.* Atqui immaterialitatem nos abunde probasse confidimus. Objicitur 4. à Materialistis. Si anima es-  
set incorporea, non posset uniri corpori. E. non es-  
t incorporea. Resp. Majorem esse falsam. Nam  
licet maximè distent corporeum & incorporeum, tamen unio negari non potest, licet modum  
hujus unionis ignoremus. Sufficit esse distin-  
ctissimas substantias corpus & Animam, multa  
namq; in naturalibus sunt, quorum modum i-  
gnoramus, propterea tamen res ipsa neganda  
non est. Quis enim novit modum mistionis hu-  
midi & calidi, aut occultarum qualitatum & ta-  
men nemo negat, talia conjungi in corporibus.  
Objicitur 5. Omnis substantia finita est corpus At-  
qui anima humana est Substantia finita E. Resp.  
Hæc est petitio principii, quæritur enim, an omnis  
substantia finita sit corp<sup>s</sup>, quod nulla solida ratio-  
ne subiuxi affirmant adversarii. Contrariū potest  
ostendi, si argumentū ita convertatur: Nullus spi-  
rit<sup>s</sup> est corp<sup>s</sup>, Anima est spiritus. E. non est corpus.

E

Major

Major in se clara est. Minorē supra probavim⁹ Ob-  
jicitur 6. Magnam esse similitudinem inter  
homines & cætera animalia, & tantam in  
quibusdam animalibus esse solertiam, &  
contra tantam in quibusdam hominibus tardi-  
tatem, ut illis multo magis intellectus atq; cogi-  
tatio adscribi posit, quam his. Resp. Verbis id  
quam re probabilius dicitur. Animantes enim  
nullam curam gerunt religionis, quid post mor-  
tem futurum sit, nesciunt, præcepta DEi non in-  
telligunt, nulla illis inest celeritas mentis, ut uno  
momento, quæ variis in locis aguntur, collustrent  
& præsentes sibi fingant, quæ omnia & longè  
plura hominibus rectè tribuuntur. Ipsa quoq;  
natura videtur discrimen bruta inter & homines  
indicare voluisse, dum homini dedit corpus ere-  
ctum, vultum sublimem, ut cœlum aspicere, &  
suæ originis meminisse queat: contra animalium  
corpora terræ adhærent, & quæ infra, non que  
superius sunt intuentur, quod magnaum est tes-  
timonium, illis nullum esse commercium cum ex-  
ilo. 7. Objicitur contra animæ spiritualitatem:  
Anima non potest consistere extra corpus, quia  
nascitur in corpore & pars corporis est, uti enim,  
dicunt, oculus evulsus à corpore nihil potest vi-  
dere, ita & anima separata nihil sentire. Resp.  
Anima non est pars corporis, sed ejus in se,   
acc

nec oculo competit⁹ vide re si: videndi facultas  
per se, sed ~~ut~~ <sup>ad</sup> videlicet propter animam, i-  
psi vero animæ potentia intelligendi & sentien-  
di per se competit. Distinguendum etiam inter  
partes integrales & essentiales. Oculus est pars  
corporis integralis, anima est pars hominis essen-  
tialis. Declarat hoc Laetantius l. 7. Just. div. cap.  
12. Anima inquit, non est pars corporis, sed  
sed in corpore, sicuti id, quod vase contine-  
tur, visus pars non est. Merentur hic quoq; addu-  
ci verba Ludovici de la Forge, quæ exstant in  
libro ejus de Mente humana cap. 7. §. I. Ubi dicit:  
*Haud ignora aliquas operationes mentis obnoxias esse bona aut male corporis constitutioni, interim dum sunt unita, unde aliqui putant, merito concludi posse, quando amplius unita non sunt, men-  
tem amplius non agere nec agere posse.* Verum hac  
consequentiam purum valida est, ac si quis egregio  
alicui pictori, quem <sup>x</sup> pacto obligatum esse vide-  
ret ad præcisè imitandum, quicquid ineptus pictor  
sive bene sive male imitula pingendo exhiberet, to-  
to tempore, quo ambo <sup>s</sup> nul essent, tribueret omnes  
errores, quos imitando unus ille pictor committe-  
ret, aut ac si quis crederet, un proprio Marte ni-  
bil egregium facere posse, postquam essent separati,  
quia viderat, ad aliquid temp⁹ ipsum imitantem  
ignorantiam socii sui. Eodem modo se res habet  
cum mente humana, leges unionis cum corpore eam  
oblī-

obligant ad imitandum, quantum natura sua ipse  
permittit, constitutionem corporis, cui juncta est,  
iis cogitationibus, quae ab eo dependent, nos tamen  
propterea concludere non possumus, mentem esse ob-  
noxiam infirmitatibus corporis, aut eam amplius  
esse non debere, quando semel vinculum eorum  
erit ruptum: Nam aliunde scimas perfectissime,  
duas esse substantias non tamcum distinctas, sed  
omnino diversas, atq; illa unio nos non nisi in ad-  
mirationem potentiae & sapientiae ejus, quieas res  
tam arcte unit, ut videantur esse unum idemq;  
præsertim ducere debet.

### S. XXI.

Contra argumentum decimum fluens ex  
summi boni communicatione, objicitur. Qui  
amor conjunctus est cum illimitata obedientia  
ad omnia, ille etiam conjunctus est cum animo  
parato ad ferendum annihilationem & q; ac du-  
rationem, non vero externe durationis deside-  
rio & spe necessario impensa. Atqui amor a-  
nimæ pœ erga DEum conjunctus est cum ani-  
mo parato ad omnia. F. Amor pœ animæ con-  
junctus est cum animo parato ad ferendam an-  
nihilationem & q; ac durationem, non vero cum  
externæ durationis desiderio & spe necessario im-  
plenda. Resp. Maturus hic status controversiae  
Non enim queritur de obedientia Creaturæ,

qualis

qualis illa sit, sed de communicatine summi  
boni facta Creaturæ rationali, cui se communi-  
care dici non posset, nisi communicatio fieret  
convenienter ejus Naturæ. Objicitur secundo:  
Quicunq; habet indifferentiam ad utrumq; oppo-  
sitorum, is non magis ad conservationem  
quam destructionem inclinare dici potest. Atqui  
DEus habet indifferentiam ad utrumq; oppo-  
sitorum E. DEus non magis ad conservatio  
quam destructionem inclinare dici potest, & per  
consequens, incertum est, utrum velit conserva-  
re animam, nec ne. Resp. Indifferentia ad oppo-  
sita vel sumitur hic pro indifferentia etiam ad  
non bonum. Sic negamus, DEum esse indiffe-  
rentem, cum sit sanctissimus, ipsaq; bonitas, adeo  
ut nihil, quod non bonum est, ab illo oriri possit.  
Ita DEus non potest animam annihilare, & ex a-  
nima, quæ bona est, facere non ens, quod fieret  
per annihilationem. Vel indifferentia etiam sumi-  
tur pro indifferentia ad sola bona, ita ut unum  
bonum tanquam majus & maximum oppona-  
tur minori bono. Sic negamus Majorem propo-  
sitionem & affirmamus eum, qui habet indif-  
ferentiam ad utrumq; oppositorum, i. e. ad bona  
minora & majora, magis propensum esse debere  
ad conservationem rerum quam destructionem,  
ratio est, quia destruere est ex re non rem facere,

conservare autem aliquam rem in suo esse, est bonum quoddam. Sic solitis objectionibus, quæ præcipue esse videbantur, vix aliquid solidi huic doctrinæ poterit opponi, aut amplius negari, immortalitatem animæ ex naturæ lumine esse demonstrabilem. Ex hac autem Demonstratione fructus egregius & commodum maximum redundat in convertendis illis hominibus, qui neq; DEum, neq; spiritum sive bonum sive malum credunt, aut saltem credere nolunt & communi nomine Athei appellantur. Hos convincere & à deviis in rectam viam reducere, hæc de immortalitate animæ doctrina omnium est aptissima. Si enim firmo stat tali, animam in se esse in corruptibilem, corpori superstitem, neq; à DEo per omnipotentiam destructum aut in nihilum redactum iri, non poterit non Atheus esse sollicitus de loco, quo anima ipsius, postquam ex hac vita discessit, & à corpore est separata, demigra turas sit, quod fecisse legimus tum multos alias salutis suæ & alterius vitæ dubios, tum imprimis Imperatorem Hadrianum, qui in hac flebili voce defecit: Animula, vagula, blandula, hospes, comesq; corporis, quæ nunc abibis in loca. Non poterit nō esse sollicitus de præmio & poena, quorum alterutrum audit manere animam, prout vel bene vel male se gesserit hoc in mundo. Non

poterit

poterit non esse sollicitus de autore DEo, qui habet potestatem vel infligendi poenam afficiendi præmio. Inquiret igitur ulterius Atheus in media, quæ ducere possunt ad istam beatitudinem, in DEum, quomodo sit colendus, ut favor ejus & gratia obtineatur, ut particeps fiat præmii & liberetur ab omni poena. Quæ omnia quoniam sana ratio non dicitat, ubi se & voluntatem suam revelaverit divinum Numen, percontabitur. Quod si rite fecerit, nullum est dubium, quin, mediis cognitis, poenitentiam acturus & consecuturus sit animæ suæ summam felicitatem. Nos vero, qui rectè h. e. ad usum vitæ philosophamur, decet curâ gerere quam maximâ, ne facultatib⁹ animæ nostræ abutamur. Caveamus igitur ne intellectu contemplationi rerum terrenarum tantu⁹ impendamus, illis solis studeamus & amore nostro dignas reputemus, quod si fecerimus, DEus T. O. M. ægre feret hunc sui contemtum, & tanquam ingratos atq; tanti beneficii oblitos æternis poenis & cruciatibus nos afficiet & ulciscetur. Secedamus potius mente nostra ex hoc mundo & ascendamus in Cœlum, ubi DEus ille habitat, qui tam egregio intellectu nos beavit, tantis donis nos instruxit, quiq; dedit vires, illas reddamus considerando ejus magnificen-  
tiam

tiam & splendorem. Intueamur ejus clementian*c/rv* prædicemus ejus bonitatem, omni<sup>m</sup> nostras cogitationes in eum defigamus. Ille enim est summum illud bonum, quo præstantius & excelsius non datur, qui omnium amorem in se trahit. Amemus, quod solum amorem meretur, quod in amorem nostri sese effudit. Diligamus illud bonum, quod facile contemtum parit rerum caducarum, quia nempe omnia delectabilia amænitate & svavitate longissime superat, cui omnium simul creaturarum pulchritudo inest & Excellentia.

## TANTUM.

